



A-N-T-I

Aliansi Nasional Timor Leste Ba Tribunal Internasional

Komunikadu da Imprensa

Hapara Korenti Impunidade...!

Julga Autor Invazor 7 Dezembru...

Julga Kriminozus Violasaun Direitus Humanus Iha Timor Leste no Indonesia ... !!!

Loron 7 Dezembru nudar loron istoriku ba Nasaun Timor Leste no ba povu tomak iha rai doben ida ne'e. Estadu mos tau loron ida ne'e hanesan loron ba herois libertasaun nasional. Iha tinan 33 liu ba povu Timor Leste hetan sofrémentu tamba iha loron 7 Dezembru 1975, Timor Leste hetan invasaun husi militar Indonesia hahu no halo okupasaun ilegal. Iha tempu naruk durante tinan 24 nia laran povo hetan violasaun direitus humanus husi invazor sira, hamosu brutalismu hodi turtura, dadur, violasaun sesual no oho ema rihun ba rihun barak mak mate.

Hahu husi 7 Desembro loron invasaun to ita hetan ukun rasik a'an hamutuk tinan 33 ona povu Timor-Leste tomak moris iha injustisa nia laran hanesan impaktu ida husi invazaun ne'e, liu – liu injustisa ba vitima no familia vitima nebe mak to agora sei moris iha susar no terus nia laran depois de hetan violasaun direitus humanus hirak ne'e.

Ita konsege dunik hari CAVR (Comisaun Akolhiamentu Verdade no Reconsiliaun) hodi buka Lia los no faktus ba violasaun direitus humanus durante okupasaun Indonesia nian iha tinan 24 nia laran ho hanoin ida atu hetan lia los, rekonsilisaun no justisa, maibe to ohin loron vitima no familia vitima barak sei terus tamba la-hetan justisa lolos. CAVR remata nia nia mandate no entrega ona relatorio ne'e ba presidenti iha loron 28 Outubru 2005 no iha loron 30 Outubtru 2005, Prezidenti da Republika mos entrega ona relatorio CAVR no nia rekomendasaun "Chega" ba Parlamentu Nasional Timor Leste hodi bele hetan atensaun, no mos bele halo lei ba implementasaun ba rekomendasaun "Chega". Maibe to ohin loron tinan 3 resin tiha ona Parlamentu Nasional La fo importansia ba relatorio no rekomensaun ida ne'e. Iha loron 10 Novembru 2008 liu ba iha Parlamentu Nasional halao diskusaun atu debate rezolusaun relatorio CAVR no rekomendasaun Chega, maibe deputadu sira halo votasaun ho votus 29 Kontra, 17 Aseita no 2 Abstain. Tan ne'e hodi laiha kontinusaun ba debate rezolusaun ne'e.

Iha mos CVA nebe mak hari iha tinan 2006 no remata mos nia relatorio final no fo rekomendasaun nebe diferencia tebes husi rekomendasaun Chega, nebe'e la fo importansia ba Justisa formal nian hodi lori autor sira ba hatan iha tribunal. CVA hasai ona nia relatoriu nebe'e gasta osan povu nian, maibe'e la tau importansia ba asuntu justisa "liu – liu tribunal internasional ida nebe'e iha kredibilidade hodi julga autor krimi ba violasaun direitus humanus" maibe koalia liu deit ba relasaun diak entre nasaun rua. Atu klarifika deit katak ami suporta nafatin rekonsiliaun entre nasaun rua maibe'e justisa mos tenki hatur iha nia fatin tamba laiha justisa nasaun ho nia povu sei moris iha injustisa nia laran.

Bazeia ba razaun hirak ne'e, ami nebe'e halibur a'an iha Aliansi Nasional Timor Leste ba Tribunal Internasional, hakarak hato'o ejijensia hanesan tuir mai ne'e.

1. Lori autor kriminozu hodi julga ba Tribunal nebe kredivel no imparzial

2. Ejije ONU atu prosesa lalais kazu violasaun direitus humanus nebe mak akontese husi 1975 — 1999
3. Ejije ba Orgaun kompetente liliu orgaun lejislativu atu diskuti lalais rekomendasaun Chega.
4. Ejiji mos ba Parleменту Nasional hodi halo lei ba reprasaun nasional ba vitima violasaun direitus humanus husi tinan 1974-1999.
- 5.

**Justisa halo ema, labele komete tan salan hanesan iha futuru,
Justisa halo mos, atu ema seluk ka ita, atu labele halo halhalok hanesan iha futuru,**

Justisa halo, hodi ema bele respeita malun,

Laiha Justisa !!! rai doben Timor Leste “sei monu beibeik iha injustisa no nasaun sei laiha paz nebe’e mak duravel”.

Dili, 5 Dezembru 2008

Ami saran lian,

/s/

Membru ANTI (Fokupers, La’o Hamutuk, Luta Hamutuk, JSMP, FTM, Asosiasaun HAK, OPVG, Sek. FONGTIL, KJHF, Grupo Familia Vitima no Front Mahasiswa Timor Leste)

*Versaun Inggris no Tetum statement ida ne’e bele hetan iha
www.laohamutuk.org/Justice/08ANTI7Dec.htm*